

LJUDI

Prethodno poznate „Marie Curie akcije“ u FP6 su u FP7 integrisane u specifični program „Ljudi“ sa ukupnim budžetom od preko 4,7 milijardi € za period do 2013. godine, što predstavlja godišnje povećanje od oko 50% za predviđene aktivnosti u odnosu na FP6.

Specifični program „Ljudi“ naglašava da je jedna od osnovnih komponenti u nauci i tehnologiji kvantitet i kvalitet ljudskih resursa. U cilju razvoja i konsolidacije Evropskog istraživačkog prostora, ukupni strateški cilj ovog specifičnog programa je da Evropu učini privlačnijom za najbolje istraživače.

U sklopu specifičnog programa Ljudi, biće podržane slijedeće akcije:

1. Početna obuka s ciljem unaprijeđenja karijere mladih istraživača;
2. Cijeloživotna obuka i razvoj karijere;
3. Povezivanje i partnerstvo između istraživanja i industrije;
4. Međunarodna dimenzija;
5. Specifične akcije.

POČETNA OBUKA

Shema finansiranja:

[Marie Curie mreže inicijalne obuke \(ITN\)](#)

Cilj:

Ova akcija za cilj ima unaprijeđenje mogućnosti za razvoj karijera mladih istraživača u javnom i privatnom sektoru, čineći istraživačke karijere mladim ljudima privlačnijim.

Ova akcija će biti realizovana podrškom mrežama organizacija iz različitih zemalja koje učestvuju u obuci istraživača. Ove mreže će biti formirane na osnovu zajedničkog istraživačkog programa koji će u potpunosti odgovarati potrebama obuke u određenoj naučnoj oblasti, sa osvrtom na multidisciplinarnu i nove supradisciplinarnu oblasti.

Finansiraće se:

- Angažovanje istraživača kojima je potrebna početna obuka.
- Angažovanje iskusnijih istraživača iz inostranstva sa izuzetnim iskustvom u međunarodnoj obuci i kolaborativnom istraživanju s ciljem poboljšanja prenošenja znanja.
- Aktivnosti umrežavanja, organizovanje radionica i konferencija za vlastito istraživačko osoblje i eksterne istraživače.

Od istraživača se očekuje međudržavna mobilnost (da preseli iz jedne države u drugu).

ITN se uglavnom organiziraju kao projekti koji se realizuju na više lokacija, ali je moguća realizacija u okviru jedne organizacije ili partnerstva dviju organizacija ukoliko se dokaže postojanje međunarodne saradnje.

CIJELOŽIVOTNA OBUKA I RAZVOJ KARIJERE

Sheme finansiranja:

[Marie Curie unutarevropske stipendije za razvoj karijere \(IEF\)](#)

[Marie Curie evropski reintegracijski grantovi \(ERG\)](#)

[Marie Curie međunarodni reintegracijski grantovi \(IRG\)](#)

[Marie Curie sufinansiranje regionalnih, državnih i međunarodnih programa \(COFUND\)](#)

Cilj:

Ova akcija će podržavatiiskusne istraživače u njihovom usavršavanju ili sticanju novih znanja i vještina; za unaprijeđenje inter/multidiscipliniranosti i/ili međusektorske mobilnosti; za nastavak istraživačke karijere nakon pauze, te dugoročnu istraživačku (re)integraciju u Evropi nakon realizovane međudržavne mobilnosti.

Namijenjena jeiskusnim istraživačima, tj. istraživačima koji imaju ili doktorat ili najmanje četiri pune godine istraživačkog radnog iskustva.

Finansiraće se:

- [Marie Curie unutarevropske stipendije za razvoj karijere \(IEF\)](#)
Za finansijsku podršku napredne obuke i međunarodne mobilnosti u trajanju od 12-24 mjeseca, za individualne projekte koje predložeiskusni istraživači u saradnji sa organizacijom iz druge države (EU ili pridružene zemlje) koja će primiti istraživača.
- [Marie Curie evropski reintegracijski grantovi \(ERG\)](#)
Ova akcija služi za upotpunjenje međudržavne mobilnostiiskusnih istraživača koji su određeni period (najmanje 18 mjeseci) proveli u Marie-Curie akciji u 7. ili prethodnim FP.
- [Marie Curie međunarodni reintegracijski grantovi \(IRG\)](#)
Ova akcija pruža finansijsku podršku u trajanju od 2 do 4 godine, za individualne projekte koje predložeiskusni istraživači koji su proveli najmanje 3 godine istražujući u nekoj trećoj zemlji, u saradnji sa pravnim licima („organizacija koja prima“) iz EU ili pridruženih zemalja.
- [Marie Curie sufinansiranje regionalnih, državnih i međunarodnih programa \(COFUND\)](#)
Namijenjeno organizacijama koje finansiraju i upravljaju programima stipendija. Učesnici predlažu višegodišnje prijedloge za nove ili već postojeće regionalne, državne ili međunarodne programe koje bi sufinansirala EC.
U obzir dolaze tri vrste međudržavne mobilnosti:
 - Odlazna – za boravak u drugoj državi, koja uključuje i fazu povratka;
 - Dolazna – zasnovana na otvaranju državnih programa stipendija za stanovnike drugih država, s ciljem povećanja međunarodne konkurentnosti;
 - Reintegracija istraživača iz EU ili pridruženih članica – koji su provodili istraživanje izvan Evrope 3 i više godina.

ISTRAŽIVANJE I INDUSTRIJA

Shema finansiranja:

[Marie Curie povezivanje i partnerstvo istraživanja i industrije \(IAPP\)](#)

Cilj:

Ova akcija za cilj ima stvaranje i učvršćivanje veza između javnih istraživačkih organizacija i privatnih komercijalnih preduzeća, posebno SME-a, na dugoročnoj osnovi uz izražene pretpostavke dijeljenja znanja, te međusobnog razumijevanja različitih kulturnih ambijenata i zahtijeva u oba sektora.

Učesnici su, s jedne strane jedan ili više univerziteta/istraživačkih centara, i s druge strane jedno ili više preduzeća, posebno SME-a koji predlažu projekt na osnovu zajedničkog programa saradnje. Partneri moraju dolaziti iz najmanje dvije zemlje (članice ili pridružene), od kojih barem jedna mora biti članica. Učesnici neposredno angažiraju i/ili primaju potrebne istraživače, te tako doprinose realizaciji dugoročnih ciljeva ove akcije.

Finansiraće se:

- Razmjena praktičnih iskustava putem međusektorskog dvosmjernog privremenog slanja istraživačkog osoblja uz razrađen mehanizam povratka, kao i prisustvo na međudržavnim događajima. Svi projekti moraju predvidjeti dvosmjernu razmjenu osoblja.
- Angažiranje iskusnih istraživača izvan partnerstva za potrebe prijenosa znanja i/ili obuku istraživača.
- Aktivnosti umrežavanja, organizacija radionica i konferencija s ciljem dijeljenja znanja i kultura među učesnicima u širem okruženju, uključujući istraživačko osoblje učesnika, ali i eksterne istraživače. U situacijama kada ove aktivnosti omogućavaju učešće eksternih istraživača, predviđena su dodatna sredstva.

MEĐUNARODNA DIMENZIJA

Sheme finansiranja:

[Marie Curie međunarodne odlazne stipendije za razvoj karijere \(IOF\)](#)

[Marie Curie međunarodne dolazne stipendije \(IIF\)](#)

[Marie Curie međunarodne shema razmjene osoblja \(IRSES\)](#)

Cilj:

Povećati kvalitet evropskog istraživanja privlačenjem nadarenih istraživača izvan Evrope, te jačanje obostrano korisne istraživačke saradnje sa istraživačima izvan Evrope.

Finansiraće se:

- [Marie Curie međunarodne odlazne stipendije za razvoj karijere \(IOF\)](#)
Za podršku naprednoj obuci i međudržavnoj mobilnosti u trajanju do 3 godine, za individualne projekte koje predlože iskusni istraživači u saradnji sa organizacijom koja prima istraživača (iz EU ili pridruženih zemalja). Projekt mora sadržavati koherentan istraživački program za cijelo trajanje ugovora, u kojem će se prva faza (1 do 2 godine) realizirati u određenoj organizaciji u trećim zemljama, a obavezna, reintegraciona faza u trajanju od 1 godine u ugovornoj organizaciji (organizaciji koja će primiti istraživača po povratku) iz EU ili pridružene zemlje.
- [Marie Curie međunarodne dolazne stipendije \(IIF\)](#)
Namijenjena je iskusnim istraživačima iz trećih zemalja. Pruža finansijsku podršku individualnim istraživačkim projektima koje predlažu dolazeći iskusni istraživači, u saradnji sa pravnim licem u zemlji članici ili pridruženoj zemlji („primatelj“) i eventualna „organizacija-primatelj po povratku“ uz uslov da je istraživač iz ICPC zemlje. Ugovori se zaključuju sa organizacijama iz zemalja članica ili pridruženih zemalja koje primaju istraživače u ukupnom trajanju od 1 do 2 godine. Eventualna faza povratka bi trajala 1 godinu.
- [Marie Curie međunarodna shema razmjene osoblja \(IRSES\)](#)
IRSES je nova akcija koja za razliku od ostalih Marie Curie akcija osigurava podršku istraživačkim organizacijama u uspostavljanju i jačanju dugoročne istraživačke saradnje kroz zajednički koordinirane programe razmjene istraživačkog osoblja na kraće periode.

SPECIFIČNE AKCIJE

Sheme finansiranja:

[Istraživačka večer – NIGHT](#)

Marie Curie nagrade – AWARDS

[ERA-MORE](#)

NCP

Finansiraće se:

- [Istraživačka večer – NIGHT](#)

Cilj: približavanje istraživača široj javnosti s ciljem naglašavanja značaja uloge istraživača u društvu, a posebno u svakodnevnom životu građana.

Finansiranje: sredstva će biti dodijeljivana na osnovu sheme finansiranja „Akcije koordinacije i podrške“, za period do 7 mjeseci, za aktivnosti potrebne za realizaciju.

Učesnici: namjera je da se ostvari što veća geografska pokrivenost. Učesnici mogu biti sva pravna lica iz zemalja EU ili pridruženih zemalja, samostalno ili u partnerstvu.

- Marie Curie nagrade – AWARDS

Cilj: izražavanje javnog priznanja istraživačima koji su ostvarili izvanredne rezultate kao rezultat EC mobilnosti u FP6 ili prethodnim FP.

Vrijednost nagrade: € 50 000

Učesnici: Namjera je da se svake godine dodijeli 5 nagrada. Nagrade se dodjeljuju pojedincima. Kandidati (kojima je dodijeljena Marie Curie stipendija u FP6 ili su učestvovali u akcijama treninga ili mobilnosti u prethodnim FP u trajanju od minimalno 12 mjeseci i ostvarili izuzetne istraživačke rezultate) se mogu prijavljivati sami, ili da ih drugi nominiraju. Od dobitnika nagrada se očekuje da učestvuju u javnim nastupima koji promoviraju i unaprijeđuju evropsko istraživačko područje.

- Međudržavna saradnja među [ERA-MORE](#) članicama

Cilj: unaprijeđenje učinka ERA-MORE mreže i stimulacija saradnje između ERA-MORE članica u operacionim i strateškim pitanjima.

Finansiranje: za period do 36 mjeseci, sredstva će biti dodijeljivana na osnovu sheme finansiranja „Akcije koordinacije i podrške“.

Učesnici: članovi ERA-MORE mreže.

- Međudržavna saradnja između NCP-a

Cilj: jačanje mreže NCP-a u FP7 kroz akciju „Ljudi“ promoviranjem međunarodne saradnje. Akcija će se fokusirati na identifikaciju i razmjenu pozitivne prakse.

Finansiranje: na osnovu sheme finansiranja „Akcije koordinacije i podrške“ za period od nekoliko godina, uz okončanje najkasnije do marta 2013.

Učesnici: Komisija očekuje samo po jedan prijedlog za ovu kategoriju od zvaničnih NCP-a koje su formirali državni organi vlasti. Ostali nemaju pravo učešća.